



TOSHKENT DAVLAT YURIDIK UNIVERSITETI REKTORINING B U Y R U G ' I

12.08.2024

142-um-son

Toshkent davlat yuridik universiteti talabalari hamda universitet huzuridagi akademik litseylarning o'quvchilarini qo'llab-quvvatlash tizimini yanada takomillashtirish to'g'risida

O'zbekiston Respublikasi Prezidentining 2020-yil 29-apreldagi "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi PF-5987-son va 2024-yil 25-maydagi "Ma'muriy islohotlar doirasida Adliya organlari va muassasalarining mas'uliyatini yanada oshirish hamda ixcham boshqaruv tizimini shakllantirish to'g'risida"gi PF-80-son Farmonlari hamda O'zbekiston Respublikasi adliya vaziri tomonidan 2024-yil 12-iyul kuni tasdiqlangan Toshkent davlat yuridik universiteti huzuridagi Namangan va Samarqand viloyat akademik litseylari faoliyatini samarali tashkil yuzasidan amalga oshiradigan ishlar bo'yicha "Yo'l xarita"larida belgilangan vazifalar ijrosini ta'minlash, iqtidorli talaba va o'quvchilarni har tomonlama qo'llab-quvvatlash maqsadida

BUYURAMAN

1. O'zbekiston Respublikasi Prezidentining 2024-yil 25-maydagi PF-80-son Farmoni hamda O'zbekiston Respublikasi adliya vaziri tomonidan 2024-yil 12-iyul kuni tasdiqlangan "Yo'l xarita"lari ma'lumot va ijro uchun qabul qilinsin.

2. Quyidagilar:

Toshkent davlat yuridik universiteti iqtidorli talabalariga universitet stipendiyasini tayinlash va grantini ajratish to'g'risidagi nizom 1-ilovaga;

Toshkent davlat yuridik universiteti huzuridagi akademik litseylarning iqtidorli o'quvchilariga Universitet stipendiyasini tayinlash va grantini ajratish to'g'risidagi nizom 2-ilovaga;

2024/2025-o'quv yili uchun Universitet stipendiyasini tayinlash va grantini ajratish bo'yicha universitet komissiyasi tarkibi 3-ilovaga muvofiq tasdiqlansin.

3. Mazkur buyruqning 1-2-ilovasi bilan tasdiqlangan nizomlar 2024-yil 15-sentabr oyidan boshlab amal qilishi belgilansin.

4. Universitet komissiyasi (A.Xashimhonov):

nomzodlarning tegishli hujjatlarini universitet rektorining 2020-yil 19-

avgustdagi 08-146-son buyrug'i bilan tasdiqlangan nizomga muvofiq ekanligini tekshirsin;

Universiteti stipendiyasini tayinlash va grantini ajratish jarayonlarini nizom talablari asosida tashkil etilishiga e'tibor qaratsin;

tanlov jarayonlari ochiq-oshkora va shaffof tashkil etilishini ta'minlasin;

nomzodlarni tanlashda ularning bilim va ko'nikmalari, amalga oshirgan ishlari, jamoat ishlaridagi faolligi, universitet nufuzini va faoliyat samaradorligini oshirishdagi jonkuzayligi, ilmiy-ijodiy faoliyatini belgilangan mezonlar asosida baholash qaror qabul qilinishini ta'minlasin.

5. Fakultet dekanlari:

mazkur buyruq 1-ilovasi bilan tasdiqlangan nizom mazmun-mohiyatini talabalarga yetkazish choralarini ko'rsin;

talabalarni universitet stipendiyasi va granti uchun har yili o'tkaziladigan tanlovga tayyorlash, ularga ilmiy rahbarlik qilish uchun universitetning malakali professor-o'qituvchilarni biriktirish hamda bu borada ularga uslubiy ko'mak berish choralarini ko'rsin;

talabalarni universitet stipendiyasi va grantiga tavsiya etish bo'yicha o'tkaziladigan tanlovning dastlabki fakultet bosqichini yuqori saviyada tashkil etish va nomzodlarning hujjatlarini o'z vaqtida taqdim etish choralarini ko'rsin;

zaruratga ko'ra universitet komissiyasi yig'ilishiga fakultetdan tavsiya etilgan nomzodlarning ishtiroki ta'minlasin.

6. Akademik litseylar ijrochi direktorlari Uzluksiz ta'lim boshqarmasi (D.Avezov) bilan birgalikda:

mazkur buyruq 2-ilovasi bilan tasdiqlangan nizom mazmun-mohiyatini barcha o'quvchilarga yetkazilishi;

universitet stipendiyasi va granti uchun o'tkaziladigan tanlovning akademik litseylar bosqichini nizom talablari asosida ochiq-oshkora va shaffof o'tkazilishi;

zaruratga ko'ra tanlovning akademik litseylar bosqichida ishtirok etish hamda jarayonlarni nazorat qilinishi;

universitet stipendiyasi va granti uchun o'tkaziladigan tanlovda ishtirok etish uchun o'quvchilarni tayyorlashga akademik litseylarning malakali pedagog xodimlarini biriktirilishi hamda ularga uslubiy ko'mak berilishi;

universitet komissiyasiga akademik litseylarning ishchi guruhi tomonidan tavsiya etiladigan nomzodlarning hujjatlarini o'z vaqtida taqdim etilishini hamda zaruratga ko'ra nomzodlarni universitet komissiyasi yig'ilishida ishtirok etishini ta'minlasin.

7. Jamoatchilik va OAV bilan aloqalar bo'limi (J.Haydarov) Ma'naviyat va ma'rifat markazi (Sh.Po'lotov) bilan birgalikda:

Universitet stipendiyasini tayinlash va grantini ajratish tartiblari to'g'risidagi ma'lumotlarni universitet sayti va ijtimoiy tarmoqlardagi sahifalari orqali keng yoritish choralarini ko'rsin;

Universitet stipendiyasi va grantini qo'lga kiritgan iqtidorli talaba va o'quvchilarning yutuqlarini OAV orqali keng yoritish choralarini ko'rsin.

8. Toshkent davlat yuridik universiteti rektorining 2020-yil 19-avgustdagi 08-146-son hamda 2021-yil 19-iyuldagi 02-164-son buyruqlari 2024-yilning 15-sentabr sanasidan boshlab o‘z kuchini yo‘qotgan deb hisoblansin.

**Yoshlar masalalari va
ma‘naviy-ma‘rifiy ishlar
bo‘yicha birinchi prorektor**



A.XASHIMHONOV

Toshkent shahar

Kiritildi:

Direktor

SH.PO‘LOTOV



Kelishildi:

Yoshlar masalalari va ma‘naviy-
ma‘rifiy ishlar bo‘yicha birinchi
prorektor

A.XASHIMHONOV



Moliya-iqtisod ishlar bo‘yicha
prorektor

A.IMINOV



Bosh mutaxassis

D.ABDULLAYEV



Boshqarma boshlig‘i o‘rinbosari -
bo‘lim boshlig‘i

N.JALILOV



Katta yuriskonsult

A.TURSUNOV



Toshkent davlat yuridik universiteti
rektorining 2024-yil 12-avgustdagi
142-um-son buyrug'iga
3-ilova

**2024/2025-o'quv yili uchun Universitet stipendiyasini tayinlash va grantini
ajratish bo'yicha universitet komissiyasi tarkibi**

Xashimhonov Mumunovich	Axrorxon	–	Yoshlar masalalari va ma'naviy-ma'rifiy ishlar bo'yicha birinchi prorektor, rais;
Po'lotov Shuxratovich	Sherzod	–	Ma'naviyat va ma'rifat markazi direktori, a'zo;
Bozarov Sohibjonovich	Sardor	–	O'quv-uslubiy boshqarma (Registrator ofisi) boshlig'i, a'zo;
Allayorov Toshpo'latovich	Jaxongir	–	Ilmiy boshqarma boshlig'i, a'zo;
Xo'jayev Akmaljon o'g'li	Shoxjaxon	–	Intellectual mulk huquqi kafedrası mudiri, a'zo;
Haydarova Umida Pulatovna		–	Xotin-qizlar masalalari bo'yicha maslahat kengashi raisi, a'zo;
Sodiqov Akmal Shavkat o'g'li		–	Davlat va huquq nazariyasi kafedrası dotsenti, a'zo;
Mamatkulova Xosiyat Ural qizi		–	Jinoyat-protsessual huquqi kafedrası o'qıtuvchisi, a'zo;
Toyirov Azizbek Tolibovich		–	Xalqaro huquq va inson huquqlari kafedrası o'qıtuvchisi, a'zo;
Sobirov Umar Umid o'g'li		–	O'zbekiston yoshlar ittifoqining Toshkent davlat yuridik universitetidagi boshlang'ich tashkiloti yoshlar yetakchisi, a'zo;
Ismoilov Mavludbek		–	Talabalar assosıatsıyasi prezidenti v.v.b, a'zo;
Ochilov Shohruh Ravshan o'g'li		–	Ma'naviyat va ma'rifat markazi Iqtidorli talabalar bilan ishlash va huquqiy targ'ibot bo'limi uslubchisi, kotib

**Toshkent davlat yuridik universiteti huzuridagi akademik litseylarning
iqtidorli o'quvchilariga Toshkent davlat yuridik universiteti stipendiyasini
tayinlash va grantini ajratish to'g'risida
NIZOM**

1-bob. Umumiy qoidalar

1. Mazkur Nizom O'zbekiston Respublikasi Prezidentining 2020-yil 29-apreldagi PF-5987-son "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi Farmoniga muvofiq Toshkent davlat yuridik universiteti qoshidagi akademik litseylarning (keyingi o'rinlarda – akademik litseylar) iqtidorli o'quvchilariga stipendiya tayinlash va grant ajratish hamda to'lash tartibini belgilaydi.

2. Mazkur Nizomda quyidagi tushunchalardan foydalaniladi:

akademik o'zlashtirish ko'rsatkichi – akademik litseylarda o'quv rejalari asosida o'tilgan fanlar bo'yicha o'quvchilar bilim va mahoratining sinovi natijalari;

nomzod – akademik litseylar ishchi guruhlariga belgilangan muddat va tartibda tegishli hujjatlarni stipendiya tayinlash yoki grant ajratish uchun taqdim etgan akademik litsey o'quvchisi;

universitet stipendiyasi – akademik litseylarning 2-bosqichida ta'lim olayotgan iqtidorli o'quvchilariga qonun hujjatlarida nazarda tutilgan boshqa to'lovlardan qat'i nazar oyma-oy to'lanadigan moddiy rag'bat;

universitet granti – to'lov-shartnoma asosida akademik litseylarning 2-bosqichida ta'lim olayotgan iqtidorli o'quvchilariga bir yillik o'qishi uchun to'lanadigan mablag'ning 50 foizidan ozod qilishga qaratilgan moddiy qo'llab-quvvatlash (rag'bat) turi;

universitet stipendiya va grant komissiyasi (universitet komissiyasi) – iqtidorli o'quvchilarga stipendiya tayinlash va grantlar ajratish masalasini ko'rib chiqish uchun prorektorlar, fakultetlarning dekanlari, kafedra mudirlari, Ma'naviyat va ma'rifat markazi, O'zbekiston yoshlar ittifoqi boshlang'ich tashkiloti, Yosh olimlar jamiyati va boshqa jamoat tashkilotlari vakillaridan iborat tarkibda tashkil etiladigan va Toshkent davlat yuridik universiteti (keyingi o'rinlarda – universitet) rektori tomonidan tasdiqlanadigan komissiya;

akademik litseylarning ishchi guruhi – akademik litseylar miqyosida iqtidorli o‘quvchilarga stipendiya tayinlash va grantlar ajratish bo‘yicha nomzodlardan taqdim etilgan hujjatlarini dastlabki tarzda ko‘rib chiqish uchun akademik litseylar rahbariyati, kafedra mudirlari, O‘zbekiston yoshlar ittifoqi boshlang‘ich tashkiloti va boshqa jamoat tashkilotlari vakillaridan iborat tarkibda tashkil etiladigan va akademik litsey direktori tomonidan tasdiqlanadigan guruh.

3. Akademik litseylarda iqtidorli o‘quvchilarga stipendiya tayinlash va grantlar ajratish tanlov asosida amalga oshiriladi.

Tanlov quyidagi ikki bosqichda o‘tkaziladi:

birinchi – akademik litseylar bosqichi

ikkinchi – universitet bosqichi.

Birinchi bosqichda nomzodlar tomonidan tegishli hujjatlar taqdim etiladi va akademik litseylarda shakllantirilgan ishchi guruhi tomonidan dastlabki tarzda ko‘rib chiqiladi va saralanadi.

Ikkinchi bosqichda akademik litseylarning ishchi guruhlari tomonidan tavsiya etilgan nomzodlarga universitet komissiyasi tomonidan stipendiya tayinlash va grant ajratish bo‘yicha masala ko‘rib chiqiladi.

4. Iqtidorli o‘quvchilarga universitet stipendiyasini tayinlash va grant ajratish akademik litseylarning hamda universitetning byudjetdan tashqari mablag‘lari (to‘lov-kontrakt mablag‘lari) hisobidan ichki imkoniyatlardan kelib chiqib amalga oshiriladi.

5. Universitetning byudjetdan tashqari mablag‘lari hisobidan akademik litseylarning o‘quvchilariga universitet stipendiyasini tayinlash va grantini ajratish byudjet mablag‘lari hisobidan ularni rag‘batlantirishga monelik qilmaydi.

2-bob. Universitet stipendiyasini tayinlash va grant ajratish bo‘yicha tanlovni o‘tkazish

6. Akademik litseylarning ishchi guruhi qoida tariqasida tegishli o‘quv yilining 15-iyulidan, universitet komissiyasi qoida tariqasida tegishli o‘quv yilining 5-avgustidan kechikmay tuziladi.

Akademik litseylarning ishchi guruhi va universitet komissiyasi o‘z faoliyatini kollegiallik, oshkoralik, xolislik va betaraflik prinsiplari asosida amalga oshiradi.

Akademik litseylarning ishchi guruhi va universitet komissiyasiga o‘zaro umumiy muvofiqlashtiruvchi rais boshchilik qiladi. Akademik litseylarning ishchi guruhiga akademik litsey direktori (ijrochi direktori), universitet komissiyasiga – universitetning yoshlar masalalari va ma’naviy-ma’rifiy ishlar bo‘yicha birinchi

prorektori raislik qiladi. Akademik litseylar ishchi guruhi va universitet komissiyasi faoliyatini tashkiliy ta'minlash ularning kotibiga yuklanadi.

7. Universitet stipendiyasini tayinlash va grant ajratish masalasi ko'rib chiqilayotganda, akademik litsey ishchi guruhi va universitet komissiyasi quyidagi asosiy minimal talablarni hisobga oladi:

nomzodning so'ngi o'quv yilidagi akademik o'zlashtirish ko'rsatkichi 86 va undan ortiq foizni tashkil qilishi (o'zlashtirish ko'rsatkichi o'rganilayotgan davrdagi modullar bo'yicha o'zlashtirish ko'rsatkichlari yig'indisini o'tilgan modullar umumiy soniga bo'lish orqali aniqlanadi);

chet tilini bilish darajasini tasdiqlovchi B1 va undan yuqori darajadagi davlat malaka sertifikatiga yoki chet tilini bilish darajasini tasdiqlovchi xalqaro sertifikatlardan kamida B1 darajasiga mos keluvchi CEFR (Common European Framework of Reference), IELTS (International English Language Testing System) bo'yicha 5,0 ball, TOEFL (Test of English as a Foreign Language) bo'yicha 70 ball yoki TestDaF bo'yicha TDN3 (Test Deutsch als Fremdsprache für ausländische Studienbewerber) mavjud bo'lishi;

nomzodning akademik litsey ijtimoiy hayotidagi faol ishtiroki (ma'naviy-ma'rifiy va jamoat ishlari, loyihalar va tanlovlarda ishtirok etishi va boshqalar);

nomzodning akademik litseyda o'rnatilgan ichki tartib qoidalari, odob-axloq qoidalariga rioya etishi va namunali xulq-atvorga egaligi.

Mazkur bandda ko'rsatilgan asosiy minimal talablarga tegishli masalalarni ko'rib chiqishda, nomzodning litseydagi butun o'qish davri hisobga olinadi.

8. Nomzodlar har yili akademik litseylarning ishchi guruhiga 15-25-iyul kunlari stipendiya tayinlash va grant ajratish masalasini ko'rib chiqish uchun arizalarni elektron tarzda topshiradilar. Bunda nomzodlar o'z arizalariga 7-bandda ko'rsatilgan minimal talablarni bajarganligini asoslovchi hujjatlarni ilova sifatida taqdim etadi.

9. Akademik litseylarda shakllantirilgan ishchi guruhlar nomzodlarning arizalari va unga ilova qilingan hujjatlarni topshirish muddati tugagan kundan boshlab o'n ish kuni mobaynida ko'rib chiqadi.

10. Nomzodlar akademik litseylarda shakllantirilgan ishchi guruhlariga mazkur Nizomning 7-bandida ko'rsatilgan asosiy minimal talablarni tasdiqlovchi hujjatlardan tashqari quyidagi hujjatlarni elektron shaklda taqdim etadi:

tegishli namunadagi ma'lumotnoma-obyektivka (anketa);

O'zbekiston yoshlar ittifoqi boshlang'ich tashkilotining tavsiyanomasi;

akademik litseyning ijtimoiy hayoti, o'quv va ma'naviy-ma'rifiy faoliyatida faol ishtirok etish va faoliyat samaradorligiga o'z hissasini qo'shish bo'yicha shaxsiy rejasi.

11. Akademik litseylarda shakllantirilgan ishchi guruhlar nomzodlar tomonidan taqdim etilgan hujjatlarni birma-bir ko'rib chiqadi va ishchi guruh raisi tomonidan tasdiqlanadigan baholash mezonlariga ko'ra nomzodlarning hujjatlarini va ijtimoiy faolliklarini baholaydilar. Ishchi guruh zaruratga ko'ra nomzodlarni ishchi guruh yig'ilishiga chaqirishi, nomzodning bilim darajasi va ijtimoiy faolligini aniqlash maqsadida qo'shimcha savol berishi yoki aniqlashtiruvchi o'rganishlar o'tkazishi mumkin.

12. Ishchi guruhlar nomzodlar tomonidan taqdim etilgan hujjatlar hamda baholash mezonlariga ko'ra nomzodlarni universitet stipendiyasi va ta'lim granti uchun o'tkaziladigan tanlovning keyingi bosqichiga tavsiya etish yoki rad etish bo'yicha yakuniy qaror qabul qiladilar. Ishchi guruh yig'ilishlari bayonlashtiriladi.

13. Nomzodni ikkinchi bosqichga tavsiya qilish yoki uni rad etish haqidagi akademik litseylarning ishchi guruhi qarori ustidan universitet komissiyasiga shikoyat qilinishi mumkin.

14. Universitet komissiyasi yig'ilishi akademik litseylarning ishchi guruhi bayonnomasi va nomzodlarning hujjatlari kelib tushgan kundan boshlab o'n besh ish kun ichida bo'lib o'tadi.

15. Nomzodlarning hujjatlari universitet komissiyasi tomonidan ko'rib chiqiladi. Zarurat yuzaga kelganda nomzod suhbat uchun universitet komissiyasiga chaqirilishi mumkin.

16. Universitet komissiyasi tomonidan universitet stipendiyasini tayinlash va grantini ajratish masalasini ko'rib chiqishda nomzodlarning natijalari teng bo'lgan taqdirda to'liq davlat ta'minotida bo'lgan yetim bolalar va ota-ona qaramog'idan mahrum bo'lgan bolalar sirasiga kiruvchi hamda 1 va 2-guruh nogironligi bo'lgan nomzodlarga ustunlik berilishi mumkin.

17. Universitet komissiyasi faoliyati va uning qarori ustidan universitet rektoriga shikoyat qilinishi mumkin.

18. Xalqaro va respublika olimpiadalari, tanlovlari, sport musobaqalari g'oliblari, Davlat mukofoti sohiblari bo'lgan o'quvchilarga universitet rektorining tashabbusi bilan bir o'quv yiligacha bo'lgan muddatga akademik litseylarning ishchi guruhi va universitet komissiyasida ko'rmasdan turib universitet stipendiyasini tayinlash va (yoki) grantini ajratishi mumkin.

19. Universitet rektorining buyrug'iga muvofiq o'quvchilar uchun alohida nomli stipendiyalar (tarixiy shaxslar, adiblar, mashhur huquqshunoslar nomida) ham

joriy etilishi mumkin. Bunday stipendiyalar miqdori, ularni tayinlash va to'lash tartibi alohida rektor buyrug'i bilan belgilanadi.

20. O'zbekiston Respublikasi Adliya vazirligi, Toshkent davlat yuridik universiteti hamda akademik litseylar faoliyati bilan bog'liq stipendiya va garantlarni qo'lga kiritgan o'quvchilar ushbu stipendiya uchun o'tkazilgan tanlovda ishtirok eta olmaydi.

4-bob. Stipendiya tayinlash va grant ajratish

21. Universitet komissiyasining stipendiya tayinlash va grant ajratish yoki rad etish to'g'risidagi qarori bayonnoma shaklida rasmiylashtiriladi hamda universitet rektoriga ko'rib chiqish uchun taqdim etiladi.

Unga ko'ra, universitet rektori tomonidan stipendiya tayinlash va grant ajratish yoki rad etish haqidagi yakuniy qaror qabul qilinadi.

Universitet rektorining qarori universitet rektori buyrug'i shaklida rasmiylashtiriladi.

22. Universitet stipendiyasini ajratish va grantini tayinlash bo'yicha universitet rektorining buyrug'i qabul qilingan kundan so'ng ertangi ish kunida universitet stipendiyasi qo'lga kiritganlar va grant ajratilganlar to'g'risidagi ma'lumotlar akademik litseylarning va universitet veb-sayti hamda ijtimoiy tarmoqlardagi sahifalarida e'lon qilinadi.

23. Universitet stipendiyasi har o'quv yili (sentyabr–iyun oylari) uchun bir marta belgilangan miqdorga qat'iy rioya qilgan holda tayinlanadi. Universitet stipendiyasi o'quv yili mobaynida oyma-oy to'lab boriladi.

Universitet stipendiyasining miqdori oliy ta'lim muassasalari talabalarining qonun hujjatlarida belgilangan tartibda o'rnatilgan stipendiyasi bazaviy miqdorida belgilanadi.

24. Universitet granti sovrindori akademik litseyda tegishli o'quv yili to'lov-kontrakt summasining 50 foizidan ozod qilinadi.

25. Har yili har bir akademik litseyning 2 nafardan o'quvchisiga universitet stipendiyasi tayinlanadi va 2 nafardan o'quvchisiga universitet granti ajratiladi.

26. Ayni bir o'quvchi universitet stipendiyasi va grantiga nomzod bo'lishi mumkin emas.

5-bob. Yakunlovchi qoidalar

27. Universitet stipendiyasi yoki granti sovrindori, stipendiya tayinlangan semestr natijasiga ko'ra fanlardan akademik o'zlashtirish ko'rsatkichlarining 30 foizi va undan ortiq qismi "qoniqarli" baho (reyting ko'rsatkichi – 71 balldan kam) bo'lgan o'quvchilarga (to'liq davlat ta'minotida bo'lgan etim bolalar va

ota-ona qaramog'idan mahrum bo'lgan bolalar sirasiga kiruvchi hamda 1 va 2-guruh nogironligi bo'lgan o'quvchilar, shuningdek kam ta'minlangan o'quvchilalar bundan mustasno) yoki biron-bir fandan akademik qarzдорligi mavjud bo'lsa, shuningdek o'quv intizomini, odob-axloq qoidalarini qo'pol ravishda buzsa yoxud o'zlari tahsil oladigan akademik litseyning o'quv va ma'naviy-ma'rifiy faoliyatida o'z hissasini qo'shish bo'yicha taqdim etilgan shaxsiy rejasini to'laqonli amalga oshirmasa o'quv yili mobaynida tegishli akademik litsey direktori yoki Yoshlar ittifoqi boshlang'ich tashkiloti taqdimnomasi asosida rektor buyrug'i bilan ushbu stipendiya va grantdan mahrum etilishi mumkin.

28. Stipendiya va grant sovrindorlari tomonidan taqdim etilgan akademik litseyning o'quv va ma'naviy-ma'rifiy faoliyatida o'z hissasini qo'shish bo'yicha rejasini samarali amalga oshirishda akademik litsey direktori (ijrochi direktori) hamda Yoshlar ittifoqi boshlang'ich tashkiloti ularni har tomonlama qo'llab-quvvatlash majburiyatini oladi.

29. Stipendiya va grant sovrindorlari tomonidan tanlovning birinchi bosqichida taqdim etilgan litseyning o'quv va ma'naviy-ma'rifiy faoliyatida o'z hissasini qo'shish bo'yicha rejaning ijrosi akademik litsey ishchi guruhi tomonidan doimiy monitoring qilib boriladi.

Toshkent davlat yuridik universiteti iqtidorli talabalariga Toshkent davlat yuridik universiteti stipendiyasini tayinlash va grantini ajratish to'g'risida NIZOM

1-bob. Umumiy qoidalar

1. Mazkur Nizom O'zbekiston Respublikasi Prezidentining 2020-yil 29-apreldagi PF–5987-son “O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida”gi Farmoniga muvofiq Toshkent davlat yuridik universitetining (keyingi o'rinlarda – universitet) iqtidorli talabalariga stipendiya tayinlash va grant ajratish hamda to'lash tartibini belgilaydi.

Universitet stipendiyasi va granti uchun o'tkaziladigan tanlovda faqatgina bakalavriatning kunduzgi ta'lim shakli 1–3-kurslarda tahsil oladigan talabalar ishtirok etishi mumkin.

2. Mazkur Nizomda quyidagi tushunchalardan foydalaniladi:

akademik o'zlashtirish ko'rsatkichi – universitetda bakalavriat ta'lim yo'nalishlari o'quv rejalari asosida o'tilgan fanlar bo'yicha talabalar bilim va mahoratining sinovi natijalari;

nomzod – universitet stipendiya va grant komissiyasiga belgilangan muddat va tartibda tegishli hujjatlarni stipendiya tayinlash yoki grant ajratish uchun taqdim etgan universitet talabasi;

universitet stipendiyasi – bakalavriat ta'lim yo'nalishlarida ta'lim olayotgan 1-3-kurs iqtidorli talabalariga qonun hujjatlarida belgilangan tartibga rioya qilgan holda oyma-oy to'lanadigan moddiy rag'bat.

universitet granti – to'lov-shartnoma asosida bakalavriat ta'lim yo'nalishida ta'lim olayotgan 1–3-kurs iqtidorli talabalariga bir o'quv yili uchun belgilanadigan to'lov-shartnoma (stipendiyasiz) miqdorining 50 foizidan ozod qilishga qaratilgan moddiy-qo'llab quvvatlash turi;

universitet stipendiyasini tayinlash va grantini ajratish bo'yicha komissiya (universitet komissiyasi) – iqtidorli talabalarga stipendiya tayinlash va grantlar ajratish masalasini ko'rib chiqish uchun prorektorlar, fakultetlarning dekanlari, kafedra mudirlari, Ma'naviyat va ma'rifat markazi, O'zbekiston yoshlar ittifoqi boshlang'ich tashkiloti, Yosh olimlar kengashi va boshqa jamoat

tashkilotlari vakillaridan iborat tarkibda tashkil etiladigan va universitet rektori tomonidan tasdiqlanadigan komissiya;

fakultet ishchi guruhi – fakultet miqyosida iqtidorli talabalarga stipendiya tayinlash va grantlar ajratish bo'yicha nomzodlardan taqdim etilgan hujjatlarini dastlabki tarzda ko'rib chiqish uchun fakultet dekani, kafedra mudirlari, O'zbekiston yoshlar ittifoqi boshlang'ich tashkiloti va boshqa jamoat tashkilotlari vakillaridan iborat tarkibda tashkil etiladigan va universitet rektori tomonidan tasdiqlanadigan guruh.

3. Universitetda iqtidorli talabalarga stipendiya tayinlash va grantlar ajratish tanlov asosida amalga oshiriladi.

Tanlov ikki bosqichda o'tkaziladi. Birinchi – fakultet bosqichi, ikkinchi – universitet bosqichi.

Birinchi bosqichda nomzodlar tomonidan tegishli hujjatlar taqdim etiladi va fakultet ishchi guruhi tomonidan dastlabki tarzda ko'rib chiqiladi va saralanadi.

Ikkinchi bosqichda fakultet ishchi guruhi tavsiya etgan nomzodlarga universitet komissiyasi tomonidan stipendiya tayinlash va grant ajratish bo'yicha masalasi ko'rib chiqiladi.

4. O'zbekiston Respublikasi Prezidenti va nomli davlat stipendiyalari, Prezident granti, Adliya vazirligi va universitet faoliyati bilan bog'liq tarzda e'lon qilingan stipendiyalar ("Adliya vazirligi", "Jadid tafakkuri", "G'afur G'ulom", "Toshkent davlat yuridik universiteti") hamda grantlar ("Adliya vazirligi", "Toshkent davlat yuridik universiteti")ni qo'lga kiritgan talabalar ushbu stipendiya uchun o'tkaziladigan tanlovda ishtirok eta olmaydi.

5. Iqtidorli talabalarga universitet stipendiyasini tayinlash va grant ajratish universitetning byudjetdan tashqari mablag'lari (to'lov-kontrakt mablag'lari) hisobidan ichki imkoniyatlardan kelib chiqib amalga oshiriladi.

6. Universitetning byudjetdan tashqari mablag'lari hisobidan talabalarga universitet stipendiyasini tayinlash va grantini ajratish byudjet mablag'lari hisobidan ularni rag'batlantirishga monelik qilmaydi.

7. Universitet stipendiyasini tayinlash va grantini ajratish bo'yicha ishchi organ Ma'naviyat va ma'rifat markazi bo'lib hisoblanadi.

2-bob. Universitet stipendiyasini tayinlash va grant ajratish bo'yicha tanlovni o'tkazish

8. Fakultet ishchi guruhi qoida tariqasida tegishli o'quv yilining 20-iyul sanasiga qadar, universitet komissiyasi esa 10-avgust sanasidan kechikmay tuziladi.

Fakultet ishchi guruhi va universitet komissiyasi o'z faoliyatini kollegiallik,

oshkoralik, xolislik va betaraflik prinsiplari asosida amalga oshiradi.

Fakultet ishchi guruhi va universitet komissiyasiga o'zaro umumiy muvofiqlashtiruvchi rais boshchilik qiladi. Fakultet ishchi guruhiga – fakultet dekani, universitet komissiyasiga – universitetning yoshlar masalalari va ma'naviy-ma'rifiy ishlar bo'yicha birinchi prorektori raislik qiladi. Fakultet ishchi guruhi va universitet komissiyasi faoliyatini tashkiliy ta'minlash ularning kotibiga yuklanadi.

9. Universitet stipendiyasi va ta'lim grantini qo'lga kiritish uchun nomzodlar quyidagi minimal talablarni bajargan bo'lishi talab etiladi:

nomzodning akademik o'zlashtirish ko'rsatkichi so'nggi o'quv yilida 86 va undan ortiq foizni tashkil qilishi (o'zlashtirish ko'rsatkichi o'rganilayotgan davrdagi modullar bo'yicha o'zlashtirish ko'rsatkichlari yig'indisini o'tilgan modullar umumiy soniga bo'lish orqali aniqlanadi). Bunda nomzod o'rganilgan davrda o'zlashtirilgan modullardan akademik qarzdor bo'lmasligi va 71 balldan past ko'rsatkich qayd etmasligi talab etiladi (uch baho bo'lmasligi lozim):

chet tilini bilish darajasini tasdiqlovchi B2 va undan yuqori darajadagi davlat malaka sertifikatiga yoki chet tilini bilish darajasini tasdiqlovchi xalqaro sertifikatlardan kamida B2 darajasiga mos keluvchi CEFR (Common European Framework of Reference), IELTS (International English Language Testing System) bo'yicha 6,0 ball, TOEFL IBT (Test of English as a Foreign Language) bo'yicha 90 ball va undan yuqori yoki TestDaF (Test Deutsch als Fremdsprache für ausländische Studienbewerber) bo'yicha TDN4 va undan yuqori, Test de Connaissance du Français (TCF) bo'yicha 450 ball va undan yuqori, Diplôme d'Etudes en Langue Française (DELFF) B2 va undan yuqori darajasiga ega ekanligini tasdiqlovchi sertifikatning mavjud bo'lishi;

nomzodning universitet ijtimoiy hayotidagi faol ishtiroki (ma'naviy-ma'rifiy va jamoat ishlari, loyihalar va tanlovlarda ishtirok etishi va boshqalar);

nomzodning universitetda o'rnatilgan Ichki tartib qoidalari, Odob-axloq kodeksi talablariga rioya etishi va namunali xulq-atvorga egaligi.

Mazkur bandda ko'rsatilgan asosiy minimal talablarga tegishli masalalarni ko'rib chiqishda, nomzodning oxirgi o'quv yilidagi faoliyati hisobga olinadi.

10. Iqtidorli talabalar har yili fakultet ishchi guruhiga qoida tariqasida, 10-30-iyul kunlari stipendiya tayinlash va grant ajratish masalasini ko'rib chiqish uchun arizalarni elektron ko'rinishda topshiradi va arizaga ushbu nizomning 9-bandida ko'rsatilgan asosiy minimal talablarni tasdiqlovchi hujjatlarini elektron shaklda ilova qiladi.

11. Fakultet ishchi guruhi ariza va unga ilova qilingan hujjatlarni topshirish

muddati tugagan kundan boshlab, o'n ish kuni mobaynida ko'rib chiqadi. Har bir fakultetdan universitet stipendiyasi va ta'lim granti uchun 3 nafargacha nomzod tavsiya etishi mumkin.

12. Nomzodlar fakultet ishchi guruhiga mazkur Nizomning 9-bandida ko'rsatilgan asosiy minimal talablarni tasdiqlovchi hujjatlardan tashqari quyidagi hujjatlarni elektron shaklda taqdim etadi:

tegishli namunadagi ma'lumotnoma-obyektivka (anketa);

O'zbekiston yoshlar ittifoqi boshlang'ich tashkilotining tavsiyanomasi;

universitetning o'quv, ma'naviy-ma'rifiy va ilmiy faoliyatida o'z hissasini qo'shish bo'yicha shaxsiy rejasi.

13. Nomzodni ikkinchi bosqichga tavsiya qilish yoki rad etish haqidagi fakultet ishchi guruhi faoliyati ustidan universitet komissiyasiga shikoyat qilinishi mumkin.

14. Universitet komissiyasi yig'ilishi fakultet ishchi guruhi bayonnomasi va nomzodlarning hujjatlari kelib tushgan kundan boshlab o'n besh ish kuni ichida bo'lib o'tadi.

15. Zarurat yuzaga kelganda nomzodning bilim darajasini aniqlash va nomzod tomonidan taqdim etilgan hujjatlarga aniqlik kiritish uchun fakultet ishchi guruhi va universitet komissiyasi yig'ilishiga taklif etilishi mumkin.

16. Universitet komissiyasi tomonidan universitet stipendiyasini tayinlash va grantini ajratish masalasini ko'rib chiqishda nomzodlarning natijalari teng kelib qolgan taqdirda to'liq davlat ta'minotida bo'lgan yetim bolalar va ota-ona qaramog'idan mahrum bo'lgan bolalar sirasiga kiruvchi hamda 1 va 2-guruh nogironligi bo'lgan, shuningdek kam ta'minlangan oila farzandi bo'lgan nomzodlarga ustunlik berilishi mumkin.

17. Universitet komissiyasi nomzodlar tomonidan taqdim etilgan hujjatlar hamda baholash mezonlariga ko'ra nomzodlarni universitet stipendiyasi va ta'lim granti uchun o'tkaziladigan tanlovning keyingi bosqichiga tavsiya etish yoki rad etish bo'yicha yakuniy qaror qabul qiladi. Universitet komissiyasi yig'ilishlari va uning qarori bayonlashtiriladi.

17. Universitet komissiyasi qarori ustidan universitet rektoriga shikoyat qilinishi mumkin.

18. Xalqaro va respublika olimpiadalari, tanlovlari, sport musobaqalari g'oliblari, Davlat mukofoti sohiblari, O'zbekiston Respublikasi Prezidentining davlat stipendiyasi va boshqa nomli davlat stipendiyalar sohiblari bo'lgan talabalarga universitet rektori tomonidan bir o'quv yiliga bo'lgan muddatga universitet stipendiyasini tayinlash va (yoki) grantini ajratish masalasi bo'yicha fakultet ishchi guruhi va universitet komissiyasida ko'rmasdan buyruq qabul qilinishi mumkin.

Bunda ushbu talabaga nizomda belgilangan minimal va qo'shimcha talablar hamda cheklovlar tatbiq etilmaydi. Ammo ushbu talabalar o'qishining keyingi davrida ham universitetning jamaot ishlarida faol ishtirok etishi, uning faoliyat samaradorligini oshirishda o'zining munosib hissasini qo'shishi talab etiladi.

19. Universitet rektorining buyrug'iga muvofiq talabalar uchun alohida nomli stipendiyalar (tarixiy shaxslar, adiblar, mashhur huquqshunoslar nomida) ham joriy etilishi mumkin. Bunday stipendiyalar miqdori, ularni tayinlash va to'lash tartibi alohida rektor buyrug'i bilan belgilanadi.

4-bob. Stipendiya tayinlash va grant ajratish

20. Universitet komissiyasining stipendiya tayinlash va grant ajratish to'g'risidagi tavsiyasi universitet rektoriga taqdim etiladi. Universitet rektori tomonidan stipendiya tayinlash va grant ajratish yoki rad etish haqidagi yakuniy qaror qabul qilinadi.

Universitet rektorining qarori universitet rektori buyrug'i shaklida rasmiylashtiriladi.

21. Universitet stipendiyasini ajratish va grantini tayinlash bo'yicha universitet rektorining buyrug'i qabul qilingan kundan so'ng ertangi ish kunida universitet veb-saytida va ijtimoiy tarmoqlarida e'lon qilinadi.

22. Universitet stipendiyasi har o'quv yili (sentyabr-iyun oylari) uchun bir marta belgilangan miqdorga qat'iy rioya qilgan holda tayinlanadi. Universitet stipendiyasi o'quv yili mobaynida oyma-oy to'lab boriladi.

Universitet stipendiyasining miqdori qonun hujjatlarida belgilangan tartibda o'rnatilgan bazoviy stipendiya miqdorining bir yarim baravari miqdorida belgilanadi.

23. Universitet granti sovrindori tegishli o'quv yili uchun belgilangan to'lov-shartnoma miqdori (stipendiyasiz)ning 50 foizidan ozod qilinadi.

24. Universitet stipendiyasi tayinlanadigan va granti ajratiladigan talabalar soni universitetning stipendiya tayinlash va grant ajratishga yo'naltiriladigan umumiy mablag'lar miqdori doirasida universitet rektori tomonidan belgilanadi.

25. Ayni bir talabaga ikki marta universitet stipendiyasi tayinlanishi va grantini ajratish hamda bir o'quv yilining o'zida universitet stipendiyasi va grantiga nomzod bo'lishi mumkin emas.

5-bob. Yakunlovchi qoidalar

26. Universitet stipendiyasi yoki granti sovrindori, stipendiya tayinlangan semestr natijasiga ko'ra fanlardan akademik o'zlashtirish ko'rsatkichlarining 30 foizi va undan ortiq qismi "qoniqarli" baho (reyting ko'rsatkichi – 71 balldan kam) bo'lgan talabalarga (to'liq davlat ta'minotida bo'lgan etim bolalar va ota-ona

qaramog'idan mahrum bo'lgan bolalar sirasiga kiruvchi hamda 1 va 2-guruh nogironligi bo'lgan talabalar, shuningdek kam ta'minlangan talabalar bundan mustasno) yoki biron-birfandan akademik qarzдорligi mavjud bo'lsa, shuningdek o'quv intizomini, odob-axloq qoidalarini qo'pol ravishda buzsa yoxud universitetning o'quv, ma'naviy-ma'rifiy va ilmiy faoliyatida o'z hissasini qo'shish bo'yicha taqdim etilgan shaxsiy rejasini to'laqonli amalga oshirmasa o'quv yili mobaynida tegishli fakultet dekani yoki Yoshlar ittifoqi boshlang'ich tashkiloti taqdimnomasi asosida rektor buyrug'i bilan ushbu stipendiya va grantdan mahrum etilishi mumkin.

27. Stipendiya va grant sovrindorlari tomonidan taqdim etilgan universitetning o'quv, ma'naviy-ma'rifiy va ilmiy faoliyatida o'z hissasini qo'shish bo'yicha rejasini samarali amalga oshirishda dekanatlar hamda Yoshlar ittifoqi boshlang'ich tashkiloti ularni har tomonlama qo'llab-quvvatlash majburiyatini oladi.

28. Stipendiya va grant sovrindorlari tomonidan tanlovning birinchi bosqichida taqdim etilgan universitet o'quv, ma'naviy-ma'rifiy va ilmiy faoliyatida o'z hissasini qo'shish bo'yicha rejaning ijrosi fakultet ishchi guruhi tomonidan doimiy monitoring qilib boriladi.